

BOSNA I HERCEGOVINA
Federacija Bosne i Hercegovine
TUZLANSKI KANTON
JP "Međunarodni aerodrom Tuzla" d.o.o.

Broj:01/I- 60-6 /22
G.Dubrave, 08.02.2022.godine

Na osnovu člana 69. stav 1. alineja a), člana 70. Zakona o javnim nabavkama BiH (Službeni glasnik Bosne i Hercegovine broj: 39/14), te prijedloga Komisija za nabavku fluida za odleđivanje i zaštitu zrakoplova od zaleđivanja broj: 01/I-60-5/22 od 08.02.2022.godine, u ime uprave v.d. Direktora JP „Međunarodni aerodrom Tuzla“ d.o.o., d o n o s i:

ODLUKU
o izboru najpovoljnijeg ponuđača

Ponuda ponuđača „HEMIJA PATENTING“ d.o.o. Lukavac, proglašava se najpovoljnijom, te se imenovanom ponuđaču dodjeljuje ugovor za nabavku fluida za odleđivanje i zaštitu zrakoplova od zaleđivanja.

Ugovorni organ će istovremeno uz ovu odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 71. i članom 70. stav 6. Zakona o javnim nabavkama BiH.

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Obrazloženje

Ugovorni organ je na osnovu Posebne odluke o pokretanju postupka nabavke fluida za odleđivanje i zaštitu zrakoplova od zaleđivanja pokrenuo postupak nabavke putem otvorenog postupka.

Tenderska dokumentacija za predmetnu nabavku objavljena na portalu javnih nabavki www.ejn.gov.ba 12.01.2022.godine, broj postupka 527-1-1-1/22.

Rok za dostavljanje ponuda bio je 02.02.2022.godine do 09:00 sati. Javno otvaranje ponuda izvršeno je u 10:00 časova dana 02.02.2022.godine što je konstatovano zapisnikom sa otvaranja ponuda broj: 01/I-60-4/22 od 02.02.2022.godine.

Istog dana, odnosno 02.02.2022.godine nakon završenog otvaranja pristiglih ponuda komisija se sastala i konstatovala da se za predmetni postupak prijavio 1 ponuđač:

1. Ponuđač “HEMIJA PATENTING” D.O.O. Lukavac - čija cijena ponude iznosi 168.790,00 KM bez PDV-a.

Komisija je zatim izvršila analizu dostavljene dokumentacije pomenutog ponuđača u smislu provjere validnosti obzirom na iskazane zahtjeve ugovornog organa u tenderskoj dokumentaciji, odnosno vrednovanju ponuda a u skladu sa procedurama i pravilima utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Komisija je konstatovala da ponuda ponuđača “HEMIJA PATENTING” D.O.O. Lukavac ispunjava formalno pravne, ekonomske i tehničke uslove odnosno zahtjeve ugovornog organa.

Polazeći od navedenih konstatacija i činjenice da je dostavljena samo jedna ponuda te da ista ispunjava formalno pravne, ekonomske i tehničke uslove nije bilo osnova za provođenje e-aukcije. Stoga je Komisija na sastanku održanom 07.02.2022.godine jednoglasno dala preporuku Upravi JP „Međunarodni aerodrom Tuzla“ d.o.o. da donese Odluku o izboru najpovoljnijeg ponuđača te da Ugovor o nabavci fluida za odleđivanje i zaštitu zrakoplova od zaleđivanja dodijeli ponuđaču “HEMIJA PATENTING” D.O.O. Lukavac čija cijena ponude iznosi 168.790,00 KM bez PDV-a, a sve u skladu sa odredbom člana 64. stav 1. tačka b) i člana 69. stav 1. tačka a) Zakona o javnim nabavkama BiH.

Na osnovu ovog prijedloga Komisije ovlašteni organ ugovornog organa donio je odluku kao u dispozitivu.

PRAVNA POUKA: Žalba se može izjaviti u roku od 10 (deset) dana od dana prijema ove Odluke. Žalba se izjavljuje ugovornom organu u pisanoj formi direktno ili preporučeno poštanskom pošiljkom.

Dostavljeno:

1 x Ponuđač

1 x Računovodstvo

**1 x Saradnik za aerodromske
sigurnosne sisteme**

1 x Evidenciji

1 x a/a/



V.D. DIREKTORA

Halid Ahmetbegović